



DEO OPTIMO MAX.

UNI ET TRINO,

VIRGINI DEI-PARÆ ET S. LUCÆ,

Orthodoxorum Medicorum Patrono.

QUÆSTIO MEDICA,

QUODLIBETARIIS DISPUTATIONIBUS

*manè discutienda in Scholis Medicorum, die Jovis decimâ-quartâ  
mensis Decembris, anno Domini M. DCC. LXXX.*

M. CAROLO - LUDOVICO - MARIA - GABRIELE DUPRÉ,

Doctore Medico, Præside.

AN AD FÆTUS NUTRITIONEM LAC, ET SANGUIS?

I.

**A**NIMANTIUM generatio naturæ arcanum, quod ab ævo condito velamine oculis hominum impervio obducere sibi complacuit summi rerum Opificis sapientia. Mirum sanè quòd corporum elementa, mixta, aggregata inter se divino nutu coadunata, motibus jam propriis gaudeant, suâ cujusque vitâ vivant pro singulis speciebus, eamque propagando communicent. Huic ce continuatæ creationi providens stupenda Omnipotentis œconomia, ignem cuilibet

E

animanti suppositi, qui subdolè errans primis annis, dùm vernat ætas, incendia volvit, brumali vitæ tempore sensim consopendus. Urit præcordia flamma hæc quæ alliciuntur eadem animantium species, intimosque pervadit corporis recessus. Exarlis penitus medullis, brevè rueret animata compages, nunquam resurrectura, nisi generosus ille fomes in animandum novum embryonem abrupturum. Idcirco coeunt animantia, ea est omnibus fere calcanda via, ea œconomiaæ viventis lex, cui usquedùm fractus illabatur orbis, obsequendum. Obsequuntur vegetantia quorum sponsalitiis ineundis totus impenditur vegetationis labor. Sulcis creditum semen humescit, turget, divulsis cotyledonibus emergunt hinc radix fundum petens, indè in altum vergens caulis, armis quibus repellantur insensu hostes, instruitur; viridescentem comam explicat; tandem innascuntur flores variis depicti coloribus, totidem geniales tori quibus solemnes celebrantur nuptiæ. Horam indicant antheræ polline turgidæ, quæ voluptuariè rorida deosculantur stigmata ruptæ foecundantem vibrant favillam, quæ ubi affugitur à vulviformi ostiolo, fæmineo latice immiscetur, ovumque in pericarpio fopitum excitat, explicat. Evanescente autem brevi illâ venere, mox arescunt, senescunt seminifera vasa, nutanteque comâ sternitur pratorum vernus honos. Quæ vegetantia, eadem, variè per variis, animantia trahit necessitas; cùm porrò quæ sexu carent [a] vivam, eorumque simillimam edant sobolem, quæ exiguissima primò brevi adolescit. Latè tenet imperium illa gens; nuda scilicet per stagnantes aquas, innumeros crederes anguiculus [b], ramofavè [c] confertim huc & illuc fluctuat. Ejusdem stirpis animantia in alto degunt, quæ vaga fluctus agunt [d], excipiuntvè, cor illi generis domicilia. Ea sola vivipara tribus: quæ verò ovipara vocant animantia, ea dissimile animali gerunt hybernaculum, ovum scilicet, quo hospitetur & alatur excludenda proles. Hujusce ordinis vix constitutas limites, cùm initis extulve incubetur progenies, solus superfit propagandi modus. Non coeuntia oviparorum quædam, femineî nempè generis, ova deponunt mare non foecundata [e] quæ intra semetipsa genitabilem continent favillam. Androgina numero pauca subsequuntur, quæ utroque gaudent sexu, quo fecundant, & vicissim fecundantur [f]. Numerosa classis eorum est quæ ut sobolem gignant apertâ venere indigent, quâ scintilla maris feminae ova fecundet. Quemadmodum miranda quæ pandit natura in mechanismo generationis, quæcumque phænomena, ita & ejus diligentiam solertiamque miraberis in fovendis vix natæ progeniei rudimentis. Ova quippe ferunt insecta, quæ nec utero gestant, nec incubant, sed ea semine masculino afflata in contortis sæpè sæpius plantarum foliis deponunt. Indè benigno solis calore excalescunt atomi emergunt, totidem repentes dixeris miculos, mox debitam molem assecutæ quasi inertes in aurelias se contrahunt. Rupto demùm quo sepeliebantur feretro, variegatis

[a] Zoophytæ.

[b] Volvox, Zoophytæ genus, lente cristallinâ, granulorum, ovulorumve pelluculentum congeries esse videtur.

[c] Hydra, gallicè, *polype d'eau douce*, vivos ramos expandit, qui à corpore abscessi in singula animalcula mirè abeunt.

[d] Volvox, Berolè, in pelago Americæ, Europamque interjecto habitat. Linn. Syst. Nat. pag. 1324. Pennatula. Linn. Syst. Nat. pag. 1321. Metridia.

[e] Conchæ, ostrea, mituli, aphidæ, &c.

[f] Limacæ penem & vulvar in viciniâ inesse notat Bradley, *Philosop. account. tab. 23. fig. 3.* Cochleæ, pleræque, animalia margaritifera, baccinæ, lepadæ, pectines, &c.

3

induuntur vestibus, expansis que alis, hæc & illuc volitant novi ætheris hospites [a]. Amphibia multa vel vivos, ut vipera, bufo; vel corticatos, sicuti rana, lacerta, crocodylus, testudo foetus edunt, quos matres incubant, fovete solis aspectus Pitces aquarum frigidi in oæ, frigidum in venis tranantes sanguinem, ad littora, ubi undæ mitiores, ova deponunt, quæ ibi femine maris irrorantur, deindeque plura in escam aquarilia insecta recens natis piciculis apponuntur [b]. Et sui sunt avibus hymenæi dulces, suum tunc melos, sua plumarum venustas, cervicilque rutilantis sua superbia. Suis garritis declinant amabile jugum, obmutescentes ubi jamjam edendis ovīs à parentibus struendæ sunt, queis incubentur, cunæ. Quo in aliis usa est animantibus, natura, idem neque minus in aptè collocando quadrupedum embryone deprehenditur studium. Quippe foetæ utero eum gerunt feminæ ab externis securum injuriis, tutum à matris erroribus, temperato calore fovent, transmissaque imis ex medullis alimonia communem vitam præstant, quousque molem idoneam, idoneas adeptus vires vitalem aulam spirare possit, & aperto jove vivere. Quænam verò illa sit conclusi utero foetus alimonia? An ex transmissio per umbilicalis venæ radículas cruore, an lacte lymphæ exsuctis per capillares placentæ flocculos, vel aliâ rationem nutriatur? prælibatis quæ rem dilucidant nonnullis in muliere nobis evolendum, tactique confirmandum.

## I I.

**P**UBERTAS vitæ stadium adolescentiam inter & juventutem. Antè quicquid nutrimenti accedebat, hominis conservationi, accretionique impendebatur. Sibi tùm vivebat debilis, timidus, innumeris obnoxius malis: at lucente voluptatū aurorâ, vitæ turgescunt principia, quæ ubicumque refusa novam vim cunctis impertiunt partibus. Hinc sopita priùs excitantur organa, & novo, cui destinantur, vacant muneri. Propriis in canalibus exæstuans sanguis rapido volvitur turbine, effugium undequaque molitur impatiens, ac demùm muliebri campo exspatiatus, diductis lacunarum orificiis singulo mense instar roris benigni dimanat. Eadem vis complanatas mammas in eburneos protrudit orbes, tumenque sub cute areolarum plexu solemnem præparat materni muneris apparatus. Ea puellam conditio, altera ephebum manet; feriantia si quidem organa seminales nempe glandulas juveniliter exultans mirè impetit, dissendit sanguis, tubulior indè, ac quasi spirituosior, dædaleos per anfractus secernitur vivificans latex ductu flexuoso in speciales utriculos devehendus, ibi perficiendus & usquè asservandus, quoad in sedem procreando homuncioni idoneam, annuente Hymenæo, propelli queat. Dùm autem numini honores persolvuntur debiti, quàm

---

[a] Sat nunquam mireris insectorum solertiam in eligendo quem norunt idoneum ovīs deponendis loco, præsertim cùm mater prolem enixa brevi moriatur, neque idè proli curam gerere possit. Quæque planta suum alit insecti genus. Liliis curæ sunt folia, his flores, truncus & radices aliis; sæpe sæpius in tubera (gallas) excreverunt ierebræ ab his plantæ, totidemque sunt domicilia, queis commodius inhabitent ova. Culices in staguis sua ova deponunt, scarabeus in fimeis & stercoribus; demerites in pellibus; muscæ in casei stans, ostris quidam in boum dorso t. bove intestinali habent hybernacula.

[b] Ova deposituræ salubres fluvios perunt, ubi aqua insulsa est, motuque purificata. Secus de pelagici piscibus qui in alto degentes, litus nequeunt appellere: hinc ipsi concessa sunt natantia ova. Piagiuri calido gaudentes sanguine vivam progeniem edunt quam uberibus lactant.

miranda in muliere panduntur phænomena! Convulsis scilicet ex omnibus ferè corporis partibus sanguis ad omne genitalium systema affatur cietur, turgent ovaria, perfectamque vesiculam è calice propellant, intumescunt tubæ Fallopijanæ, distensis turgidæ vasis rubent, rigent, utriusque simbriatum ostium ovarium versus attollitur, spasticèque id amplexans, ovulum maturum, prominulum, aurâ seminali animatum de vasculoso petiolo eximit, contractione peristalticâ absorptum promovet, urget uterum versûs, ubi prima delibanda sunt embryoni vitæ pabula. Suas tûm orditur contractiones ipsius corculum, complicataque humore impulso explicat vasa, inertia hæcenus, & quasi mucaginosa. Elapsus verò primis à conceptione diebus, ovulum è totâ suâ superficie lanuginosus emittit flocculos, qui meatibus uteri exhalantibus & resorbentibus coalescunt [a]. Sic foetum inter & matrem, primum tenuium humorum instituitur commercium. Decimo jam circiter octavo die exacto, informis anreâ mucus comparare sibi organa videtur, cylindrum diceres. Mox maiora adeptus incrementa capite grandescit, pusillo tamen remanente trunco, pusillis artubus, totaque apparat umbilici area. Interim ovi pellucidi parietes crescente embryone, sudantibus aquis extenduntur; sic ampliati utero vim inferunt, productisque poros inter & rugas, quibus intus dehiscit, lamellis valisvè, archûs ei coalescunt. Nec mora, rubescens emergit discus, *placentam* vocant, suas latè membranas inter dispergens propagines, quæ valculosæ, sinuosæ, tuberosæ, porosæ, uteri parietibus itâ adnectuntur, ut tubera serobiculis, poros poris, sinus omnes similibus uteri sinubus, fistulis nempe ex utrinque productis *b*]; accumbant. Autumes hinc tûm arteriosos, tûm venosos placentæ fines in his sinubus evanescere effusumque ibi laciem in sinus uteri recto tramite deduci, ubi hinc & indè hiant venosi arteriosive uteri apices [c]. Sic his in communibus latebris matris & foetus promiscuè miscetur sanguis, quodque alibile inest ad foetum deducunt sorbentes venæ umbilicalis radiculae, eructantque dein officio functum arteriarum umbilicalium fines. Medium huiusce commeatus chordam umbilicalem agnoscas cuius vena dispersis per placentæ tubera innumeris propaginibus, volubilibus ludit gyris, emensaque huius umbilici areâ, sinum hepatis subit, suumque evomit sanguinem partim in majores venæ portarum ramos, partim in ductum venosum; indè ad cavam appulsus, thalamos, sinusque cordis petens evolendam pervadit torius corporis molem. Is verò infortitus huic muneris sanguis per ultimos hypogastricarum arteriarum ramos hederaceis venæ umbilicalis spiris revinctos recto itinere ad communes placentæ & utero sinus revehitur, venosis uteri osculis resorbendus. Stabilito novo illo cibarium proventu, continuò crescunt iniquâ ratione foetus ejusque nutritur discus, quippè indefinenter succos alibiles à placentâ latebrosis anfractibus magis ac magis ille attrahit. Quâ verò contenta augentur, eâ proportionem extenditur includens uterus; vasa nempe ejus serpentina impulsu indies urgentur, expanduntur sanguine, sicque textûs musculo-membranacei extenuationem compensant. Crescit imprimis uteri fundus qui primodùm gravis, inferius devolvebatur & posterius, ore tincæ anticæ & sursum exporrecto. Elapso

[a] Hunter, *The anatomy of the human gravid uterus exhibited in figures*. Plate 34.

[b] Avulsâ placentâ rumpuntur fistulae cellulosæ, collapsæque totidem sunt sinuum valvulae. Donald Monro. *Ess. ou natural Philosoph.*

[c] Alexand. Monro. *Ess.* plate 7. fig. 7.

autem secundo gestationis mense, explicatur fundus, antrorsum delabitur, recedit simul reconditurque posterius os tincæ. Ineunte quarto exit à pelvi uterus, sæpiusque dextrorsum inclinat, retrò sinistrorsum spectante altius ore tincæ. Orto quinto patent magis omnia; quippè uteri fundus digitis duobus ab umbilico distat, obviaque hùc & illuc dispellit viscera. Eadem textio sese habent, præterquam quòd dimidiato uno pollice exuperet tunc uterus, qui septimo epigastrium jam pertingit. Priùs immutata cervix, eà nunc dilatari incipit zonà, quæ utero proximior. Mense octavo uteri sæpè antrorsum inclinati fundus epigastrium tenet, undè præcordia dolent. At verò dùm humidior, brevior, retrorsumque à vulvâ remotior spectat cervicis hiatus perpetuò minuitur ipsius longitudo. Orto denique nono mense elasticè attollitur uterus, usque quò tanto oneri ferendo nullatenus idonea à cervice jam evanidâ, pelvis marginem versis devolvatur uterinus globus. Circulum tunc describunt tumida & dura priùs oris tincæ labia, spheræque, quam in membranis adhuc inclusæ efformant aquæ, apprimuntur. Gemunt intereà sub pondere duro omnia abdominis viscera, gemit & ipse uterus, ac mulculosâ pollens, quæ priùs feriabatur, carne [a], in repetitis cietur contractiones, quibus fistulæ sinuum, placentaque tubera à sede dimoventur. Tollitur indè omnis humorum commeatus, reclusisque ad viam ritè lubricandam fontibus, excluditur sympathico omnium corporis musculorum spasmus novus advena, dolorum nescius quibus matri emenda fuit lubrica sub spirabili jove ipsius existentia.

## I I I.

**I**NSTAR Zoophytarum, Holothuriarumque plurimarum, quæ tota gelatinosa sunt, placidè quiescit in utero novâ afflatus vitali aurâ embryo; in eo tamen non serum partium discrimen. Varios earum evolutionis intuitu gradus fluidæ primùm sese obijciunt partes, pellucidæ, mucosæ, aquosæ, mōx albescentes, flavescere; rubescere. Serius urina conspicitur, serosa, turbida, insipida, decolor. Apparent facies subvirides non acres, non odoræ; è gelatinâ emergit acinoiâ pinguedo; cylindracea figuratur medulla, cruenta, humores suffunduntur; rubescunt & cuncta ferè etiam tenuissima sese explicantia viscera. Labiles coercent conscribuntque humores lamellata strata, plus minùsve solidescunt. Micat *Punctum saliens*, micant huic annexi venosi & arteriosi stipites. Sic intrâ mucidos canales pellit nascentis cordis embolus flaveum laticeni, quo convoluta evolvantur hinc & indè vasa. Sic etiam vitæ functiones sua sumunt exordia, tarda verò & lenta, donec reddita terrearum molecularum appulsu firmiora organa, majorem motus vim acquisiverint. Hinc variè solidescunt prò suis, quibus destinantur usibus, solidæ partes, varioque earum contextu viscera quacumque consiciunt, disponunt, definiunt. Quodnam autem alimenti genus embryoni suppediet natura, ut mira hæcce partium promoveatur accretio? disputant inter se Medici. Humanum nempe embryonem pulli instar in ovo delitescens lymphaticum

[a] Carnea uteri substantia graviditate tantùm conspicua est. Nùm decurrente prægnatione compagi cellulosa uteri accedunt, quæ consiciant musculum, purpureæ moleculæ, mensibus posthac evanidæ. Immo tunc torosi, plethorici quibus forte emaciatis, & mulculosi quicquam vix habentibus accedit deinceps succorum nutritionum sensus.



amni liquorem per os assugi affirmant [a] negantque diversi, quam opinionem fulciant sua, sua labefaciunt argumenta. Observant equidem foetus, veluti adulto concessa fuisse suctus organa, quorum functiones, etiam in gremio materno, exerceri possunt [b]. Ideo-ne verò respirat foetus, qui toto instruitur respirationis apparatu? Fiunt-ne gestationis tempore cunctae apud eum actiones excretoriae, ex eo quòd apta hinc exequendis cuncta organa rite apponantur? Teste experientia, inquit, consistit vaccino foetu membranis adhuc concluso, geluque correpto, stitiam visam fuisse concretam ab amni lacu ad ventriculi cavum, filii continui instar ductam, quae tanè amniosi laticis in interiora animalis transitum indiguit [c]. Aequis profectò phenomenon deducerent ab expansivo liquidi motu, quod frigore obdurecens vias forsàn inolitatas subire potuit; temerè etiam pro degluito amni lat ce hic fortassis assumunt ipsi summet concretum tum oris tum gulæ naturalem mucum. Imò nimium acres & urinosa toto ferè, quo gessit mulier, tempore illa aquae, ut delicatulo foetus corpori in nutrimentum veniant. Quia insuper belluæ cujusdam gravidæ perforato hypogastrio, evacuatis indè amni undis, lac intus adegit, nec guttulam tamen in foetus stomachum pervenisse post hac comperit D. MONROO, quamvis eum ad finem, alvum circumquaque compresserit. Quid demùm fugere effingitur os infantis usquè contractum, usque oclsum, dum mandibularum elevatores, contrahuntur muscoli [d] lingua ad palati fornicem apprimitur [e] stringiturque ipse t pharynx deglutionis actu tantum dilatandus? At necessariò asserent in totà alimentorum fistulâ amni laticem devehendum esse, ne coalescant illorum parietes, talique alimento feces ultimis ejus finibus reperiundas tribuunt... Providit Natura, providunt glandulosi fontes, atque indè scaturientes succi; nec alia causa origo-que foecum quæ, ut vulgò, sic & apud foetus ore imperforatos [f], acephalos [g] dimidiumve hominis tantum gerentes copiose in alvo congeruntur. Nec est quòd apponant exuberari magis remoto quam proximiori parvi membranarum aquas. Dum enim lacu innatat vix conspicuus piscis, limpidio em aquarum partem segniter sorbent ab intus numerosi placentæ pori; auctis verò ejus vitæ viribus, jam eâ, quâ depluunt, combibuntur proportionè. Adventante tandem graviditatis septimo mense, impendiò magis absorbetur quam fecernitur earum copia. Hinc diversa ubertatis aquarum ratio intelligi potest citrà effi am deglutionis actionem. Nec acrius depromptum militat argumentum è funiculo umbilicali corrupto [h] atque in nodum contorto [i]. Elucidandus enim hic sermo; decantata-ne illa ~~et~~, solum textum cellularem depatcebatur, an sanguifera vasa? Stricti-ne, an laxi erant nodi? Vertabatur-ne interim incolumis tactus, necne? De his omnibus cum taceant observatores, nulla fides. Nec movemur ampliùs

[a] Hippocr. Περὶ σπάρων, n. 8. Democrit. Diocles apud Plutarch. placit. Philos. lib. 5 cap. 16. Diogenes apud Censorinum. De die Natali pag. 26. Gal. util. part. lib. 15. cap. 6. Jussaus, &c.

[b] Tilius, de placenta, pag. 379.

[c] Heister, compend anat. tom. 2. pag. 87. Rædere in certi hinnulo.

[d] Monroo, Eff. of d. Societ. ad Edimb. t. 3. pag. 192.

[e] Ræderet saturæ de suffocatis, pag. 50.

[f] Histoire de l'Académie Royale des Sciences, ann. 1715.

[h] Eph. Nat. Curios. ann. 3. decad. 1. observ. 227.

[g] Fredericus Hoffmannus, de Adipe, pag. 10.

[i] Jean-Louis Petit, Chirurg. Acad. Royale des Sciences. Ann. 1718.

quòd adjiciant obturato umbilico natos esse foetus [a]: constat enim paucissimis ante ortum diebus rumpi funiculum umbilicalem, & ferruminari seorsim potuisse ejus extrema, quin idèò interierint. Apage hunc quicquid sonniaverunt veteres de uteri tuberculis quæ fugere noverunt foetus, quòd in lucem editi papillam digitumve fugere incocti ament. Procul etiam à lata frigidorum animalium, piscium insectorumve exempla, quorum nutriendæ proli ab amnii humore succum depromi facile dederimus. Aliæ autem foetui humano concessæ sunt pabuli scaturigines, à divaricatis nempe venæ umbilicalis mibus Nobis nunc in abditissimum hocce humorum transitu ancipites, quas implicare amavit Natura, tentandæ sunt viæ, repertæque semel eâ, quâ ire sibi placuerit, firmiter ei insistentium.

## I V.

**A**NTEQUAM in utero radicaretur ovulum, quomodò nutritur vivens jam homunculus? Res exploratu difficillima. Num per fluitantis in pellucido, cui innatat, lacu tuniculi umbilicalis finem, quasi in panniculo expantum, fugeretur alibilis humor; eumve potius undequaque hauriret porosa, bibula tenelli corporiculi compages [b]? Utrumque innuunt peracta tum in pullorum, tum in insectorum ovis observata. Ubi verò omnis exhaustus fuit innatus ovi humor, uteroque, quâquâ parte obnubilum est, adhæsit ovum, nova tunc contento embryoni scaturit alimonia; per innumeros scilicet canaliculos, qui quaquaversum è disco vasculoso ad uterum protenduntur [c]. Sit-ne autem lactea [d], sanguineave succi hujusce nutritii indoles? Auxilii hærent Physiologi. Neque sua defunt cuique opinioni argumenta. Iis enim, quæ fluxu menstruali non laborant, animantibus [e] nullatenus deprehenditur toto gestationis stadio foetui allabi uterinum sanguinem. Secto equidè maturo partui utero, studiosæque ademptis placentæ cotyledonibus, ex imis membranæ internæ acetabulis emergunt villi, nulliusque effluit tunc sanguis, quin è contrâ mucosus [f], viscidus, insipidus, albuginosus, [g] lacteus [h] humor, quo imbuitur quilibet cotyledo. At quæ ita in belluis tere omnibus, secus in muliere parturiendo emortuâ comperiuntur, cum totius uteri parietes sanguine concervato ingurgitentur, ab evellendâ placentâ undiquè effluendus [i]. Porro mulieris ità dispar uterus disparem necessariò foetui poicit humorum distributionem; in anfractibus enim uteri sinuosus singulo mense congeritur egurgitandus sanguis; neque aliunde sibi molienti effugium, recto itinere ad foetum deducitur [k]. Rutilantis hujus laticis commer-

[a] *Journal des Savans. Ann. 1673.* Scalpart. cent. 2. observat.

[b] Alcmaeonis Crotonis opinio Plutarch. in Placit. Philosoph. lib. 5. cap. 16.

[c] Ita sentiunt olim *Storici Dulacienses*, lib. 8. cap. 6. *Fabricius*, ab æquapendente de Format. Foetus, &c. cap. 8.

[d] E: h. more alii foetum autumârunt Hippocrates, Aristoteles, Harveus, Rivolani, Riverius, Bartholinus, Graffius, Laurentius, Falconet, M. de la Riviere, Monro, P. du Petit, &c.

[e] Ovis, vacca, cuniculus, cerva, &c.

[f] Vesal. de Fabr. cop. human. pag. 669.

[g] Tilling. de placenta uteri, pag. 337.

[h] Vieussens Novum vasor. Syst. pag. 41.

[i] La Mothe observat. 386. Donald Monroo, Alexand. Monroo, essays and observations of natural Philosophy, at Edinburg.

[k] Hæc olim divi Senis opinio: » cæterum, ait, increvit illa (genitura) materno sanguine in

cium matrem inter & foetum, quod dicit ratio, arteriis ex utrinque protensis fieri autumant Clarissimi Viri; [a] suamque, ut stabilirent opinionem, varios per matris arterias [b] adegerunt liquores, qui pluries ad foetum, ad uterum [c] verò conversâ vice appulere. Huicce verò eò pertinacius adhæserunt quòd ill. ALBINUS arterias uteri serpentinas sanguine turgidas se invenisse asseruerit, quem indè pro lubitu ad placentam usquè propulit [d]. Quòdque easdem cerâ repleverit delineaveritque celeb. HUNTER ad placentam flexuosè euntes [e]. Malè autem rarò obvis, nec unquam citrà injectionis vim ad placentam usquè producendis arteriis munus foetui commeatùs demandari videtur, cum alias diversas prorsus naturam sibi fabrefecisse vias indicet ipsa partium autopsia. Placentam enim in emortuâ prægnante ab uteri parietibus removendo, ne minima quidè oculos obversatur subeuns placentam arteria [f]; quin potiùs cellulosa abeunt lamellulae, à scrobiculis villosa excedunt tubera, collapsaque hinc, & hinc diducuntur sinuum ostificia, quæ similibus uteri sinubus accumbunt; siquè calens adhuc placenta digitis prematur, ex orificiis tantùm eructatur sanguis; qui in sinubus congebatur. Nequo certè funiculo uterove injectis, meliùs procedunt arteriarum protensarum serpentinæ fines [g], quippè turgidis ex utrinque sinuum loculentis, placentam inter & uterum in grumos coacta effunditur cera [h] solus indè maternus ille sanguis ad foetum appellit, qui in communibus uteri & placenta sinubus moras nectitur. Ejusce autem generis derivationem non sola demonstrat partium structura, in probationis partem etiam venit

---

» uterum delabente. Nam gravidis menstrua non profluunt nisi magno salutis pueri detrimento,  
 » nisi fortè quibusdam primo mense quàm minimùm sanguinis mensuri exeat: at verò sanguis ab  
 » universo mulieris corpore profluens hicum ipsam membranam (*chorion*) diffunditur, atque cum  
 » spiritu intrò per membranam attractus, quò forata est erinnetque, agglutinatur, & futuro animali  
 » incrementum præbet. Rursùm verò procedente tempore, multæ aliæ membranae tenues intrà  
 » primam producuntur eodem modo quo & illa prior formata est. Tenduntur verò & hæ quidè.  
 » ab umbilico, atque mutuis sibi vinculis cohercent. Quod cum jam effectum fuerit, sanguine materno  
 » accedente, concrecente, caro gignitur in cujus medio umbilicus eminet, per quem tum spirat, tum  
 » incrementum accipit. » *Hipp. De natur. pueri.*

[a] Rouault, *Mém. de l'Acad. Royale des Sciences. Ann. 1714, 1715, 1716.* Noortwick, *Ess. of a Soc. of Phys. and Lit. pag. 421.* Mauriceau, Mery, Lieutaud, &c.

[b] Cowper, *adnot. on Bidloo anat. Tab. 54.* Drake, *anthropol. lib. 2. cap. 7.* *Vicussens, Observ. d'Anat. & de Chirurg. prat. pag. 293.* Tournet, of the force of the mother's imagination on the fetus, pag. 161. Philoloph. *transact.* A discourse concerning some influences of respiration on the motion of the heart hitherto unobserved, by Dracke. n<sup>o</sup>. 281.

[c] Langii *Physiol. pag. 243.* Montroo, *Ess. of a Soc. tom. II. pag. 127.* Cowper.

[d] Alb. *Adnot. lib. 1. p. 35.*

[e] The Anat. of the human gravid uterus, Plate V.

[f] Si quæ sint, flexuosæ tantùm uterum inter & placentam serpunt, neque in evellendâ placenta rumpuntur.

[g] Nequimus hic prætermittere ipsiusmet Ruischii verba: « A multis, ait, seculis inconcussum  
 » fuit placentam uniti utero per utriusque valorum extremitates... repleveram eum in finem multo-  
 » ties vasa sanguinea placentam constituentia ceracâ materiâ rubrà, tæperique placentam non solim  
 » autèntam membranâ eâ facie quâ foetum spectat, & *Chorion* appellatur, verùm etiam eâ facie  
 » uterum spectante membranâ analogâ esse obductam, & extremitatibus valorum finitèr connata-  
 » tam. » *Thes. anat. II. n<sup>o</sup>. XVIII. not. 1.* « Hæc itaque expertus concludendum censo vasa san-  
 » guinea uterina non immediatè uniti cum vasis placentam consistentibus, sed utriusque adhesionem  
 » heri mediante prædictâ substantiâ membranacâ. » *Ibid. not. 4. n<sup>o</sup>.*

[h] Haller *Elem. Physiol. t. 8 p. 211* Donald Montroo *Essays and observations on the nat. phil. &c.*



observatio. Magnam enim sanguinis in prægnantis utero congectionem verè arguunt quæcumque graviditatis phænomena; veram quoque uteri inter & placenta vasa communionem evincunt enormia illa sanguinis profluvia, quæ abortum trimestrem, placenta vasa partialem evulsionem subsequuntur, vel etiam accidunt d. hiscente, dum torpet uterus, haud ligato umbilicali funiculo. Nec aliam sanè ob causam, mortuo, dissolutove in gremio materno foetu, miram in molem accrescit, veram graviditatem mentiens placenta, *Molan* vocant, sanguine nimirum continuo appellente, textumque ejus intimum subeunte. A sanguine uterino terrerrimæ foetus compagi sic illabente, expandi, explicarique magis ac magis ipsius organa nil mireris, cum ab hujusce coccinei laticis derivatione in quibilibet nondum evolutis partibus pendeant earum accretionis phænomena [a]. Ea quidem foetui, alia verò embryoni pabuli sors obtingit. Prospexit enim Natura ne ipsismet viræ primordiis fervente ingurgitarentur sanguine debiliora nimis ipsius organa, eoque sine ab uterinis lacunis flocculive scaturiunt lymphatici lacteque succi, quos jugiter sorbent, absque illo intus degenti plantæ damno, tenerima ovi hispida stamina. Ibi ejusce indolis humorem à sanguine parari, fecerint, cuilibet meditantì varios uteri cum mammis consensus mirum haud videbitur. Eodem etenim sensu, iidem reguntur affectibus, communibus & dolent pathematibus: quidni in gestatione secretionis commune munus [b]? Quod innuit organorum sympathia, illud labor improbus Anatomistarum evincit. Sic incisus gravidarum uteris, sæpe sæpius placenta evulserunt exitus lacte conspersam [c]. Pluribus, & ipsi fumantia adhuc puerperarum consulentibus exta, sese protulere lactifera hinc, & inde repentina in utero vasa, è quibus pro lubitu lac emulserunt [d]. Invenèrunt, & haud rarò gravidam apud candicantes canaliculos qui in placenta immergebantur [e]. Appendiculas lymphatico-arteriosas, in puerperis lacte plenas deprehenderunt alii, quæ punctæ lactescerent fundebant humorem [f]. In ultimam tandem probationis partem ultrò veniunt subalbida, *lochias* vocant, puerperarum purgamina. Omnes etenim referunt lactis dotes, idcoque effluunt quòd dimoti à placenta scrobiculis suos emittant succos flocculi uteri lactiferi, usquedum denegato ibi exitu, per mammarum excernicula lacti summa detur perfectio & effugium. Sic omnium catulorum instar placide vivit mox conceptus embryo, quousque pristinum relegens iter, at ambagibus undequaque quasi irretitus menstruus sanguis sistatur, coacervetur, latèque per omnes uteri sinus expatiatur. Interim similes in accrescente placenta sinus efformati uterinis occurrunt, auumbunt sinibus, & demum contigè tantum, datis ex utrinquè fistulis, sese osculantur. Tum maternus sanguis per nascentes placenta anfractus molitur iter, ibique hiantia eum sensim absument venæ umbilicis

[a] Haller. Oper. Min. Exp. 71. 92. 93. 95. 183.

[b] Neque his dissentientem habemus Hippocratem: datà enim circa lactis genesis suà opinione sic profequitur: a nanque pingui concalescente, & candido facto (*omeni*), quicquid calore maris sic dulcescit, exprimitur & conscendit in mammas. At verò etiam in ipsas marces exigua quædam portio per easdem venas refertur, si quidem tum hæ, tum aliæ per similes venulas in mammas, atque uterum protendantur; quum autem pervenit in uterum, jam speciem lactis induit, & eoque exiguo puerulus fruatur. *De nat. pueri.*

[c] Deidier Anat. raisonné, pag. 413.

[d] Vieuss. de Fabrica uteri, tom. 11. pag. 41.

[e] Murry Thes. Paris propug. anno 1735.

[f] Fizes de generat. corp. hum. pag. 182.

oscula. Neque tamen interea feriantur flocculi placentaë galactophori, quin lacteum simul ex uterino sanguine laticem asflugunt per capillares venæ umbilicalis radículas foetui dein devehendum. Sic uteri parietes humoribus aggestis turgidi, dum ex amplioribus lacunis validior succus venis peragitur, magis ac magis detumescunt. Eâ matrem inter & foetum communione institutâ, miranda sane Omnipotentis providentiâ. Ita enim securè vivit pusillus hospes, quamvis diversæ mentis affectiones matrem commoveant, quippè omnis tunc sanguinis impetus in ipsîmet cohesionis puncto sistitur, Repentinam necem fulmine veluti tactæ obeunt matres, nihilominusque superstes foetus pabula accipit, que latent anfractuosa inter placentaë, & uteri loculamenta. flabilis eheu vita cui frigida mors improbâ falce undequaque minitatur.

## V.

UTINAM prolata quævis de Microscopi phenomenon explanandis opinio, utpotè natura legibus mœnigera, æternum staret inconcussa. At ea rerum humanarum fors iniqua, ut veritatem, quam deprehentam gloriæmur, quaquaversum impetant spicula, urget periculum, crebris tamen ictibus nutantem ac penè fatiscentem, remisso impetu, novas miramur recuperare vires, majori inde fulgore irradiaturam. Ac veluti mollis, ubi agmine facto, aduersi configunt venti, verlatile dat latus arundo, stratum doleres; compositâ verò turbinis rabie indejectam stupent omnes & ad nova prælia paratam. Sic incassum ad convellendam, quam circa materni sanguinis ad foetum illapsum propugnamus opinionem, turmatim confluerunt Clar. Viri. Afferunt enim plurimi, adaeto in hypogastricas, vel carotides gravidæ canis arterias hydrargiro, ne ullum argenteum in placentaë vasis cucurrisset rivulum [a]. Mercurio acidum substituerunt [A] liquorem, nec idcirco cogebatur foetus sanguis. Spiritu therebentinæ usi sunt nonnulli [c], neque tamen therebentinaceum spirabat odorem catuli corpusculum. Iisdem per funiculum injectis liquoribus transfusionem è placenta in uterum moliti fuerunt [d], nec feliciter eventus e[st]. Quænam autem tentaminibus adhibenda fides, quibus mulieri assimilatur bellua, quamvis ejus uterus absmili planè structurâ donetur? Nec nostræ magis adversatur opinioni quicquid adjicitur amplius de iisdem experimentis, frustra super muliere ipsâ tentatis; deficiunt enim hic hujuscæ, quam negant, actionis instrumenta præcipua, deficit vita, deficit vim absorbens foetus, injectique fortan liquores in cavernosis uteri sinubus vim suam eliserunt, ibi effusi stagnaverunt, & avulsâ dein placenta passim effluerunt.

Nunc è praxi arma depromunt Adversarii. Foetus, inquiunt, non exhauriuntur sanguine gravissimis matris vulneribus. Falsò quidem: quippè C. C. MERY, & HEISTER exangues, sectis à vulneratarum matrum necce uteris, eduxerunt foetus [f]. Opponent insuper modicè stillantem à funiculo umbilicali sanguinem, dum partus tempore refecatur. Potius certè in hujuscæ phænomeni rationem affer-

[a] Donald Monro, Essay of a Society of Edinb. tom. III. p. 267. 272. Roderet de sectu perfectu, n.º. II.

[b] St. Vast. Thes. Paris prop. ann. 1735.

[c] Monro, Essay of a Soc. at. Edinb.

[d] Berger Physiol. 473. Monro Essay. tom II. p. 127.

[e] Eller. *Mém. de l'Acad. de Berlin*, 1769. Puzos, *Traité d'Accouch.* pag. 157. Verheyen, *Anat. corp. hum. l. II. p. 365.*

[f] Mery, *Probl. d'Anat. Mém. de l'Acad. Royal. des Sciences*, ann. 1708. Heister, *Annal. Jul. 1722. p. 128.*

rent vim contraſtilem uteri à ſuis ſcrobiculis ſanguifuga placenta tubera dimo-  
venit, indè ſolus eructatur per funiculum; qui prius placentam ſubibat ſanguis.  
Adducunt & mirabilem hanc obſervationem, à variis memoratam, uteri calcariâ  
argillaceâve [a] cruſtâ quandoque obducti; & placentam lapidoſam intus, quam  
ſemel ſe inveniffe refert RUIſCHIVS [b] Minimè morantur hiſ noſtræ opinionis  
fautores; rati ſcilicet per hiantes lapidoſi ſtratûs intercapedines vaſis idoneum  
patere iter, ut vitale uterum inter & placentam commercium ineant.

Forſan tandem contra nos inſurgent pro ſolius ſanguinei commeatu militantes,  
aſſerentque lac nutrimenti genus eſſe, quod ventriculi actione indiget, ut in  
alimoniam faceſcat. Eſt de lacte uberum excrementitio, ſecus autem de uterino,  
quod mera lymphâ [c] eſt recrementitia, ſeu potiùs lac inchoatum quod, ut  
omnibus lactis gloriatur inſignibus, à mammarum incerniculis ultimam vim  
expectat.

Divulſis jam quibus hinc & indè obruebatur telis noſtra de foetus nutritione  
opinio, cur otioſè tentaremus levioſam armaturam repellere, cum præſtò ſint  
aliundè melioris momenti argumenta, neceſſariamque adducant concluſionem.

Ergò ad fetus nutritionem lac & ſanguis.

[a] Chapman, midwifery new edit. p. 339. Puzos, *Traité d'Accouch.* pag. 157.

[b] Theſ. Anat. II. not. 4. n°. 10.

[c] Lymphâ ſeu fluidum quo innatât ſanguinis coagulum, ubi carino ille exceptus, ſibimetipſi  
relinquitur, maximâ pro parte calidâ aquâ cogitur. Si tûm coletur, albeſcens exit liquor qui igne  
ſuppolito inſtar lactis ebullit, ſupernatâ priùs levi cuticulâ. Sibimet datus etiam fermenteſcit, acidis  
coit, alkaliniſ tẽ contra ſolvitur. Primigenium inde lac eſt omni ætati & ſexui commune, quod ſenſi-  
bilis uterus à ſanguine attrahit, elaborat, ut tenello embryoni fiat congruum. Abactò foetu mammas  
cum utero amicè conſentientes, idem ſubit, vixque ſubactum, quâ datâ porta ruit, *Coloſtrum*  
vocat. Tirillatis verò ſuctu infantis uberibus, indèque adauctis eorum ſenſu & tono lac genuinum  
emergeit, verè excrementium, ventriculique actione, ut nutriat, denuò ſubigendum.

## DOMINI DOCTORES DISPUTATURI.

M. Claudius-Andreas GOV-  
BELLY.

M. Benjam.-Michael SOLIER  
DE LA ROMILLAIS, Schola-  
rum, Profeſſor designatus.

M. Carolus-Ludovicus LIGER;  
Conſiliarius Medicus Regis  
ordinarius in urbe & Comitatu  
Altiſſiodoreniſi.

M. Antonius-Laurentius DE  
JUSSIEU, Eques, Regi à  
Conſiliis & Secretis, Regiæ  
Scientiarum Academiæ So-  
cius.

M. Claudius LAFISSE.

M. Joannes-Stephanus GUET-  
TARD, Regiarum Academia-  
rum Pariſienſis, Rupellenſis,  
Florentinæ & Stockolmienſis  
Socius, Cenſor Regiis & Hiſ-  
toriæ naturalis Muſæi Sere-  
niſſimi Ducis Aurelianenſium  
Cuſtoſi.

M. Joannes-Jacobus NOLLAN,  
Materia Medica Profeſſor.

M. Joſephus-Ignatius GUIL-  
LOTIN.

M. Natalis-Maria DE GEVI-  
GLAND, Regiorum in Ger-  
maniâ Ducum & Militum No-  
ſocomiorum nuper Medicus.

Proponebat Pariſiſ PHILIPPUS PETIT-RADEL, Pariſinus, Doctör Medicus  
Remenſis, Saluberrimæ Facultatis Pariſienſis Baccalaureus, Theſeos Auctör.

A. R. S. H. 1780. AB OCTAVA AD MERIDIEM.

Typis QUILLAU, Univerſitatis & Facultatis Medicinæ Typographi, 1780.